

李文忠公奏稿

聯軍退盡擇要布置片

光緒二十七年八月二十二日

李文忠公奏稿卷八十

全集一之八十

桐城吳汝綸編錄

議稅釐併徵情形摺

光緒二十六年五月初十日

奏為查議洋貨稅釐併徵情形遵

旨覆陳仰祈

聖鑒事光緒二十六年四月十九日奉准軍機大臣字寄三月二十六日奉

上諭戶部總理各國事務衙門奏遵議盛宣懷等擬陳增稅事宜各摺片所議釐稅併徵係專指洋貨而言與土貨釐金尚無關涉此事利害出入關係甚大如果確有把握則每年可增千百餘萬之進款於大局實有裨益亦不宜諉延觀望致失事機所有洋貨加稅免釐一事著南北洋大臣兩廣湖廣四川閩浙各督撫查照

原摺參以本省情形按之中外時勢如何有利而無害如何利重而害輕勿持兩端勿執成見妥爲籌定限一箇月內覆奏等因欽此遵

旨寄信前來仰見

聖主博采羣言虛衷擇善之至意臣等詳閱盛宣懷及戶部總理各國事務衙門原奏逐條利弊諸臣言之已詳其所議進口洋貨釐金歸併海關徵收統按七五之數照加一倍出口土貨半稅改由各省抽釐裁除子稅名目其立論實綜全綱足以裨餉需而維大局惟此事利害關係甚重現值修改條約之際尙有應議者四端臣請縷晰陳之查盛宣懷等清單內土貨內地釐捐一條旣曰土貨稅釐一概照舊徵收與修改稅則新章不相干涉而註語又曰現擬新章領單由內地運貨至海口仍可照常完釐但逢關納

稅遇卡抽釐誠恐洋商不允或令土貨起運第一釐局照應完半  
稅銀數一起完釐給予釐局印收所過關卡驗票放行等語是洋  
商運土貨名日照常完釐實則仍照舊只完半稅也查內地釐金  
就廣東總數核之係按值百抽四徵收又坐買釐金按值百抽二  
徵收又臺礮經費按值百抽一五徵收併而計之約合值百抽七  
五之數今洋商運土貨仍照值百抽二五半稅徵收則洋商運單  
實較華商便宜百成之五必致華商紛紛冒領半稅運照而土貨  
釐金日見短絀矣既擬洋貨稅釐併徵冀圖簡易則土貨運單所  
繳釐金洋商亦須照釐章七五之數併於起運第一局抽收無庸  
重納子口半稅若洋商執持求減無論減至若干華商當一律照  
減庶可免洋商包攬完釐華商冒領稅照之弊此應議者一也又  
清單內開外國煙酒器皿等物如何分別辦理一條查各國稅章

惟使館所用之物例得免稅今通融仿辦洋官無論已凡洋商應徵貨物件數無論家用船用與販運之貨均應照徵此應議者二也又近日土貨經洋商販運由此口經過洋界復赴彼口卽作洋貨完納正稅半稅一層未經議及誠如戶部所謂別滋流弊者粵東凡有外來各省土貨必由香港澳門進口皆作爲洋貨已坐此病今既洋貨土貨截然分爲兩途關稅釐金亦顯然判爲兩事則洋商販運土貨進口自當一體徵釐其有洋商收攬土貨冒充洋貨希冀漏減釐金但使赫德嚴飭所屬稅司認真考較不難一望而知儻重議罰章立予駁退不給稅單則洋商自愛體面應不至甘受斥罰此應議者三也又估價之數高下難稽現據赫德所稱從前稅數每值百兩抽不足三兩顯與約章稅則值百抽五之文不符若使洋貨稅釐併徵加至百之十五洋商雖或允從而陽製

增稅之名陰行減估之計則有名無實既虧

國帑轉貽笑外人此事關鍵全在總稅務司若能將每年二百二十餘兆之洋貨核實收足值百徵十五之數則部庫大有盈餘外省亦可資撥補此應議者四也至廣東本省洋貨昨據釐局摺開約銀五十餘萬兩經臣電請部署代奏但從前各廠徵釐係併土貨洋貨合爲一單核算總數飭商完釐每票一紙篇幅無多貨色百數十件未詳載即開有夾呈商人原單而票根數千萬紙若欲逐一句稽窮年累月悉算雖終所稱五十餘萬兩之說僅據可考之數約略言之其港澳所進土貨作洋貨甚多並不在內惟查赫德冊報光緒二十三年廣東洋貨進口估價數目係三千三百一十七萬七千餘兩若以行鹽值百抽四計之應銀一百三十二萬七千餘兩二十四年估價係三千六百一十五萬六千兩應抽

行釐銀一百四十四萬六千餘兩若合坐賈半釐臺礮經費併計  
在內粵東一省當不下二百萬兩蓋粵省通商年久民間服物器  
用皆趨洋貨之精巧適用而銷路獨宏又廣西雲貴江西湖南沿  
邊郡縣皆由廣東轉販故洋貨之行銷倍增土貨實非他省所徵  
土七洋三可以概論也今若洋貨稅釐併徵則此後京協各餉自  
應劃出此數或由戶部逕提抵充廣東解款或按月由稅關就近  
解交藩庫收支如有餘盈仍歸部撥則辦理毫無窒礙疆臣計吏  
無不樂從至協辦大學士剛毅原議商人包繳釐金每年四百萬  
兩今雖預押餉之一百萬兩遲延三月勉強措交然疊催開辦尙  
未定期察其情形蓋亦履而知艱逡巡觀望則商加之一百萬兩  
與前督臣譚鍾麟加增釐局比較之二十二萬兩猶是空言恐難  
責實似不如稅釐並徵之就貨徵銀較有把握也將來如果洋貨



並徵定議商人包攬開辦有期自應照數削減以免藉口所有臣等遵

旨查議洋貨稅釐作徵緣由理合專摺

奏陳伏乞

皇太后

皇上聖鑒訓示謹

奏

請查辦拳匪首禍王大臣摺

光緒二十六年八月二十一日

全權大臣大學士臣李鴻章南洋大臣兩江總督臣劉坤一湖廣

總督臣張之洞山東巡撫臣袁世凱跪

奏爲事機萬緊恭摺密奏仰祈

聖鑒事竊俄允商各國撤兵而必欲

兩宮回鑾德新使致臣之洞電必欲先辦主持拳黨之人而後開

議臣鴻章在滬晤德使荷蘭使及副總稅務司裴式楷各國總領

事等所言皆同是知各國公憤所在斷難偏護若遷延不辦恐各

國變其宗旨愈久愈不可收拾臣鴻章本日已將登舟北上適接

臣坤一等電均稱伏讀八月十五日電

旨罪在朕躬悔何可及不禁感愧涕零實則罪在臣下中外皆知

無可掩飾欲求救急了事之法惟有仰懇

聖明立斷先將統率拳匪之莊親王載勳協辦大學士剛毅右翼  
總兵載瀾左翼總兵英年及庇縱拳匪之端郡王載漪查辦不實  
之刑部尙書趙舒翹等先行分別革職撤差聽候查辦明降  
諭旨歸罪於該王大臣等以謝天下以昭

聖德臣鴻章即可密告各國與之期開議是否有當伏乞

皇太后

皇上宸斷施行事關宗社存亡不敢稍避嫌怨謹合詞電由護理  
陝西撫臣端方繕摺馳奏圖死瀝陳不勝迫切待命之至謹  
奏

遵

旨抵津接印摺

光緒二十六年閏八月初八日

奏爲遵

旨任津接印恭摺叩謝

天恩仰祈

聖鑒事竊臣前准軍機大臣字寄光緒二十六年六月十六日奉  
上諭李鴻章前已降旨調補直隸總督著無分水陸兼程來京等  
因欽此又於八月十八日在署陝西撫臣端方轉准

行在軍機處

寄諭該大學士應卽駛赴天津先行接印各等因欽此臣正在滬  
布置起程惟天津進口須有各國保護接待乃可暢行無阻借乘  
俄艦易啟猜嫌俄國既有保護之言是以徑坐招商局輪船於八  
月二十五日抵津維時道路梗阻齎印艱虞與護督臣廷雍往返

面商始於閏八月初八日在該護督飭委開州協副將鄭國俊等

將  
欽差大臣暨直隸總督關防鹽政印信一併齎送前來臣卽於行  
次恭設香案望

闕叩頭祇領任事伏念臣以衰年膺茲艱鉅當

國步艱難之會正臣下效命之時現雖敵騎縱橫未允停戰眾情  
叵測未易撤兵臣惟有矢以忠誠布昭信義因勢利導委曲調停  
仍督飭文武勦除內匪撫輯殘黎庶期

畿甸肅清苞桑永固以冀仰答

高厚鴻慈於萬一除俟料理略有端倪卽入都會商慶親王與  
各國使臣開議另再陳奏外所有微臣抵津接篆日期理合繕摺

由驛具奏恭謝

天恩伏乞

皇太后

皇上聖鑒謹

奏

天津司道局庫據掠罄盡片

光緒二十六年閏八月初九日

再臣刻日赴京所有地方日行事件應交藩司代印代行其詳務  
關緊要者包封遞行次核辦各路拳匪橫行及教民聚眾報復  
應責成藩司廷雍督飭各地方官會同營勇分投勦辦解散彈壓  
署直隸提督呂本元前貴州提督梅東益辦事均甚得力已檄令  
會督各營認真勦撫以期早就肅清免致外人藉口惟是淮練各  
軍疊經津沽血戰傷殘之餘六月以後未得放餉飢困堪憐天津  
司道局各庫積存數百萬兩全被洋兵土匪擄掠掠罄盡各機器製  
造局及軍械局鎗礮子藥儘數被擄百無一存臣實無從措手焦  
急莫名謹據實附片瀝陳伏乞

聖鑒謹

奏

酌定天津俄國租界摺

光緒二十一年四月二十二日

奏爲酌定天津俄國租界事欽恭摺具陳仰祈

聖鑒事竊查各國聯軍深入連陷天津京城西法以兵力所至之

區視爲應得之地現雖與之開議而各國所佔之地率皆劃分段

落豎彼國旗將來逐條議明白必將踞地商令退出但市廛繁盛

堪作商場者彼必據爲己有現在各立界碑拆毀房舍開通道路

經營不休適俄國駐京全權大臣格爾思會晤述及天津城外爲

各國通商口岸俄國向無租界擬求河東地一段以爲通商市場

臣查河東之地民居尙不甚多惟其中設有鹽坨爲長蘆鹽商築

鹽存鹽之所當告以鹽法爲我

國課餉大宗不容廢置且係商人世業斷不能價賣與人應卽一

律劃出不入租地之內該使臣隨卽應允欲先立草約以便日後



逐節細商臣查各國在天津均有租界俄商獨無論理本覺偏枯今既來就範圍以禮乞請自應允許使彼心向我益堅現值東三省商議交還事機甚切姑從所請訂立草約二條先與贛押蓋印彼此各執一分爲憑謹鈔錄清單恭呈御覽除咨明總理各國事務衙門查照外所有酌定天津口岸俄國租界緣由恭摺由驛

奏陳伏乞

皇太后

皇上聖鑒訓示謹

奏

謹將與俄使訂立天津租界條款繕單恭呈

御覽

爲立條款事茲因天津俄國貿易日見興旺俄國必得租地一段以便俄國商民居住設立行棧今准中國政府允許在該城東北劃出俄國租界立定條款如後

一天津俄國租界設在河東約佔所立界牌內之地一段內有靠河鹽坨地界關繫緊要應劃出不入租界之內

一將來履勘租界更訂界綫如觀勢所必須更改者以及辦理該段關乎地方各事宜照各國租地章程辦法立定經營俄國租界各項章程應由兩國另派委員辦理

以上所立條款係爲天津俄國租界條議繕具兩本畫押蓋印爲憑

直隸要缺變通酌補摺

光緒二十七年二月十三日

奏爲直隸緊要官缺驟難按章選補擬請稍示變通酌量請補一次以重職守恭摺仰祈

聖鑒事竊准吏部咨稱月選各缺實無辦法應俟回京後再行核辦其各省督撫題咨請補之件應咨催各該省季報官冊詳悉開具名次花樣到省先後有無事故以便查核等因於光緒二十六年十月初二日具奏奉

旨依議欽此行令知照前來當經行司遵辦茲據兼理布政使高駿麟會同署按察使孫鍾祥詳稱直隸道府直隸廳州州縣等缺向分咨留二項擇其人地相宜者酌量請補內除捐納人員仍補簡缺外餘俱不論繁簡酌補庶治理得人不至日久懸曠於吏治

民生尙堪補救詳請酌核具

奏前來臣查兵燹之餘與新設之缺由外酌補一次從前胡林翼

在湖北崇實臣在奉天左宗棠在新疆均經奏蒙

恩准有案今直隸情事相同又兼部選無期似可仿照辦理合無

仰懇

天恩俯念直隸甫經兵劫准將上年五月以後洋兵未撤以前道  
府直隸廳州州縣遇有缺出均請以截取發往及正途出身與軍  
功勞績捐班又分輪補酌補兩班自上年五月以後拳匪肇亂洋  
兵繼至省城被踞藩署案卷全失何缺應咨何缺應留及某項輪  
至何班均無可考其奉行選補章程並皆燬失一切無從措手而  
各缺或因殉難或因病故以及棄城遠去尙須逐一詳查分別開  
報候補人員又多因事出差臨難暫避死亡相繼是與部案同一

無存勢難與他省完善之區照常造冊而地方瘡痍滿地鎮撫在  
在需人又不能懸缺久待該司等悉心商酌惟有將洋兵未撤以  
前州縣以上事故各官彙造總冊先行咨部開缺一面將截取發  
往及正途出身與軍功勞績捐班五項人員不論咨留五項人員  
無關緊要仍俟咨請各省鈔發章程到日按班序補所有直隸道  
府直隸廳州州縣官缺擬請變通酌補緣由理合會同兼管順天  
府事兵部尙書臣徐會澧順天府府尹臣陳夔龍合詞恭摺具  
奏伏乞

皇太后

皇上聖鑒訓示謹

奏

各使擬請懲處查辦官紳摺

光緒二十七年二月十八日

奏爲各使送到請行懲處查辦各省官紳銜名謹照繕清單恭摺仰祈

聖鑒事竊臣等於本年二月十二日接准日使葛絡幹美使康格法使畢盛英使薩道義德使穆默奧使齊幹比使姚士登義使薩爾瓦葛日本使西德二郎荷蘭使克羅伯照稱在外省犯事官員姓名及應照會定條款第二條嚴懲之處日後由諸國大臣指定疊經照知復於上年十二月十七日會議時聲明各在案各本大臣今將所指各犯清單二紙黏送查閱一係由各本大臣查明後以爲其罪足有確據應如何嚴懲者一係以獲重罪被控因證據欠足請中國國家另行查辦者各本大臣應請貴王大臣按照單開各情奏請

分別頒發

諭旨歸結此事其查辦一層應由中國

國家從速飭行勿俟查畢卽照各本大臣之意按會定條款第十條頒發各犯所定罪名及如何嚴懲之

諭旨通行布告如此辦理則會定條款第二第十條藏後方可斟酌各節較能早日施行等因臣等查本年正月內懲辦首禍案定

遵照正月初四日電

旨各條宜迅速妥商之意照會各使以第二第十兩款業經辦妥各款卽可次第商辦旋准照覆以外省尙有應行懲辦各員第二款未能卽算了結初十日復奉初八日電

旨衢州教案英駐使欲誅鎮道府營及紳士並欲將前撫劉樹堂前臬榮銓革戍查抄實屬過甚著與英使切實磋磨極力駁正等

因欽此臣等遵商英使薩道義屬將撫臬鎮道等罪名減輕昨來清軍鎮道均從輕改擬知府祇請罷黜更從末減惟撫臬仍請革成僅未提及查抄復遣員再四相商該使語稍活動昨又作函致領銜大臣屬令轉商見覆未知能將該撫臬罪名全行刪去祇請革職否近來和款交涉事件皆由各使自行查議請示各本國政府定斷並不容我會商磋商已屬爲難駁正更無把握單已送到若不早予照辦恐各款因之延擱而兵費亦以日久愈多殊礙和局謹查各使送來清單二件一係請行懲處之員彼已酌擬罪名處分者一係請行查辦之員彼尙未得真情確據者各員名下均注有罪狀劣跡單內開有未開名姓之員自因外國人艱於查考之故再向詰問徒延時日各處教案地方官例應申報由督撫查取職名較爲便易英使遣參贊告知請將情罪較重者先辦除已



擇要電奏外謹照繕清單二件恭呈

御覽可否降

旨照擬懲處並將應查填名姓及應行查辦各員

敕下各該督撫迅速按單查覆各使照會以會定條款第十條爲言其意蓋擬請將查辦各員均歸革職永不敘用之列并所請不俟查畢先請降

旨之處是否可准統候

宸斷施行所有各使送到擬請懲處查辦各省官紳銜名緣由理合恭摺馳陳伏乞

皇太后

皇上聖鑒再此次來文俄使未經列銜探聞俄請懲辦之員別歸另案合併陳明謹

卷

奏稿八十

五

謹將各使送到擬請懲處各員清單照錄恭呈

御覽

查明確犯重罪應行嚴懲各員清單

山西

■陽曲縣白利爲毓賢爪牙光緒二十六年六月間在太原府誑殺泰西男婦老幼四十餘名口罪應斬立決

■署歸綏道鄭文欽謀殺英國武官及西國主教又天主教士四名耶穌教士十四名罪應斬立決

■汾州府徐繼孺明許保送泰西教士出境暗使又於七月十二日在文水縣戕害羅教士等男女老幼十名口應革職斬監候如貸其一死極輕當發往極邊永不釋回

■忻州徐桂芬七月十五日在本境謀害泰西耶穌教士男婦約

十餘名口應革職斬監候如貸其一死極輕當發往極邊永不釋回

五河津縣黃廷光六月二十日遣役追殺耶穌教士密姓夫婦及幼子容姓夫婦金姑娘東姑娘共七名口於屬下清家灣地方罪應革職發往極邊永不釋回

六太原府馬武官於太原府戕殺教士之案從眾加功罪應革職永不敘用

七太原府城守營石鳳岐將天主教士一名鎖押陵虐致死罪應革職發往極邊永不釋回

八孝義縣令於六月初四日主使將泰西教士魏蘇二姑娘毆斃罪應革職發往極邊永不釋回

九大甯縣令有教士請姓姊妹郝姑娘三口因該令不肯保護並

允拳匪殺害罪應革職發往極邊永不釋回

十四 澤州府有由平遙潞城前往湖北逃難各英國教士過境時不肯保送罪應革職永不敘用

十五 潞城縣壁理因境內教士毫不保護以致逃亡備受艱險罪應革職永不敘用

十六 高平縣于岱霖於由平遙潞城逃難各英國教士過境時虐待罪應革職永不敘用

十七 長子縣恩順亦不肯保送由平遙潞城逃難之各教士罪應革職永不敘用

十八 陽州牧號招拳匪入城以致英國教士數名口被逐在曲沃縣遇害罪應革職發往極邊永不釋回

十九 曲沃縣令因毫不保護境內教士致有童教士一家三口甚

被凌虐畢命罪應革職發往極邊永不釋回

**十六** 岳陽縣令有巴吳教士二名被拳匪所殺該令坐視不理罪應革職永不敘用

**十七** 壽陽縣秦鑑湖將境內英國教士鎖押虐待解往太原就死並途閒絕其飲食罪應革職發往極邊永不釋回

**十八** 和林格爾通判毛世黼

**十九** 托克托城通判樊恩慶均懸挂賞格捉拏或殺害泰西人民及中國教民計兩城屬境其殺教民一千五百有餘異常殘虐應革職斬監候如貸其一死極輕當發往極邊永不釋回

**二十** 甯遠州司獄李鳴和將天主教主教交付兵丁令其殺害罪應革職斬監候如貸其一死極輕當發往極邊永不釋回

**二十一** 綏遠城將軍永德

**三十一** 歸化城副都統奎成所有該處凶慘各事多係該二犯主謀有天主教士四名彼具兵丁夥同殺害罪應革職永遠監禁

**三十二** 署歸化城同知郭之樞去年七月二十六日帶領兵丁三百餘名攻打鐵木旦滿教堂將教士十名鎗擊火焚殞命其餘教士四名逃至三里外之黃化窩鋪被其追及戕殺罪應斬監候如貸其一死極輕當發往極邊永不釋回

**三十四** 榆次縣令有干涉殺害泰西教士之案罪應革職永不敘用

**三十五** 太谷縣胡德修七月初六日在其境內之泰西人民皆被戕害罪應革職發往極邊永不釋回

**三十六** 大同鎮楊該境耶穌教士男婦六名被害罪應革職永不

敘用

二十七 太原縣令致死教民多命罪應革職永不敘用

二十八 甯鄉縣令

二十九 臨縣令均係悍惡拳目殺害教士教民罪應革職永不敘

用

蒙古

三十 阿拉善王將甘肅天主教士驅逐出境罪應申斥

三十一 中喀爾王魯恩虐待教民罪應申斥

三十二 搭拉特王殺害教民八百餘名罪應革職永遠監禁

三十三 張金聲即張四

三十四 楊把總

三十五 赫哨官均係甘肅甯條梁武官尙有

三十六 許大田



**三十一**劉姓武官等身爲拳目帶領拳匪圍攻小叫盤地方教堂  
四十九日殺害天主教士一名均應斥革

**三十二**灤平縣文星飭令兵役將泰西天主教士一名活埋之後  
又將屍身拋入水中經教民撈獲葬埋該縣復飭取出仍拋入水  
罪應斬立決

直隸

**三十三**裕祿近日畿亂厥惟罪魁在天津帶領拳匪官兵攻擊各  
國人民又殺戮泰西人之

上諭由其徧傳罪應追奪官爵

**四十一**王孝村紳士左洛荅當拳匪欲攻武邑縣時承縣令命其出  
城解散伊卽捏報一切妥善乃城門甫啟拳匪卽行入城致將天  
主教士二人戕害罪應監禁

**四十一** 武邑縣調署清苑縣張丙詰始終明保拳匪縱令拳目前往深州河間府等處四出擾害應革職斬監候如貸其一死極輕當發往極邊永不釋回

**四十二** 江西臬司陳澤霖過景州時該牧邀其攻打朱家河教民處所致天主教士二名被害罪應革職永不敘用

**四十三** 景州牧洪壽彭邀陳澤霖攻打朱家河教民處所罪應革職永不敘用

**四十四** 大名鎮王述三

**四十五** 大名縣苗玉珂

**四十六** 元城縣王錦陽三人均係將境內教士驅逐分搶什物並予以就害之機皆應革職永不敘用

**四十七** 南樂縣鞏英亦係將教士由衙門逐出予以就害之機罪

應革職永不敘用

四十八 清苑縣令不肯保護英國逃難教士應行革職永不敘用

四十九 望都縣李兆珍苛待以上英國逃難教士應行革職永不敘用

五十 倉場侍郎長萃在通州爲拳匪頭目罪應革職永不敘用

東三省

五十一 盛京副都統晉昌六月初六日有泰西教士四名口華教士二名教民多名伊縱令兵丁會合拳匪戕害斃命應革職斬監候如貸其一死極輕當發往極邊永不釋回

五十二 遼陽州陳牧飭斬中國趙教士一名教民多名罪應革職永遠監禁

五十三 常老德係鴨子廠團練首事於六月初五日戕害天主教

上三名之案從而加功罪應革職發往極邊永不釋回

**五十四** 黑龍江副都統於戕殺天主教士三名之案有所干涉應即革職發往極邊永不釋回

**五十五** 呼蘭城副都統阿不肯保護教士以致被害並允將所害教士之首懸諸廟門罪應革職永不敘用

**五十六** 巴彥蘇蘇鄂統領到任後欲將教士二名殺害經地方官援救氣憤往小石頭河教堂將十三年前葬已故之泰西教士屍身掘出並將教堂處所焚毀教民戕害應革職斬監候如貸其一死極輕當發往極邊永不釋回

湖南

**五十七** 湖南巡撫俞廉三干涉戕害衡州府天主教主教教士二人之案罪應革職永不敘用

五十八 衡州道隆文以上被害之天主教士先曾函請保護該犯非特不行反致鼓惑輿情致將該教士等雙目挖出慘遭殺害應革職斬監候如貸其一死極輕當發往極邊永不釋回

五十九 衡州府裕慶

六十一 清泉縣鄭炳該二犯於以上之案非但不肯保護亦且助紂為虐甚有干涉裕慶又出違約告示致耶穌堂被毀均應革職永不敘用

浙江

六十二 金衢嚴道鮑祖齡顯係仇視各國人民之犯聾愚匪徒團練在衢州殺害泰西多命力能保護而不肯為且允匪徒在道署門前將泰西湯姓一家四口馬石戴姑娘三口共七人先辱後殺迨後詳報撫院盛稱團練為義舉應斬監候如貸其一死極輕當

發往極邊永不釋回

**六十二** 衢州府城守都司周之德於以上之案從而加功非止主謀攻擊且復親統匪黨肆行兇惡罪應斬立決

**六十三** 浙江巡撫劉樹堂通傳殺害各國人民密諭是以兇慘之事皆伊玉成雖經撤銷然已過遲亂後仍留浙任四閱月除將要員撤任之外所有兇犯尙未舉辦罪應革職發往極邊永不釋回

**六十四** 前按察使榮銓通傳殺害各國人民密諭是其專責此肇亂之一端也現在杭州仇視各國人民之黨伊爲首領其嫉視外人之行毫無隱諱應革職發往極邊永不釋回

**六十五** 前衢州鎮喻俊明六月二十五日道署門前殺害泰西多命之時伊與鮑道同在署中雖屬下有官兵五千事前竟毫未彈壓是其縱匪釀兇之據應革職發往極邊永不釋回

六十六 前衢州府洪思亮於此案不肯保護亦未加功惟是日同在道署應卽革職永不敘用

六十七 衢州府紳士鄭連生

六十八 鄭炳禧

六十九 羅老四三人於此案有主謀情事應皆斥革

四川

七十 邛州牧李常需縱容搶掠教堂殺害教民多命罪應革職永不敘用

七十一 建昌道王季寅

七十二 名山縣廬鼎智

七十三 前雅州府王之同

七十四 雅州府李念茲固執不肯保護教士辦理教案未能平允

均應革職永不敘用

**七十五** 駐藏大臣慶善赴任時以徐驅乘西人出境及滅教民之語告知沿途官員在襄塘復滋事端聞其已死應追奪官爵

貴州

**七十六** 思南府人羅芳林係被革武員於龍泉思南府兩處攻戮教民被害二十餘命之案係其主謀該人一聞直隸亂事即招匪黨將一帶教民處所搶毀教民戕殺罪惡監禁

河南

**七十七** 南陽鎮殷仇視教民異常兇暴豫省教民受害惟該員是問天主教某教士被虐係其施爲在賒旗店拆毀教堂亦其出違約告示之故罪惡革職永不敘用

**七十八** 新店李若仙煽惑民心致虐以上教士該教士如未設法



逃生必遭毒手罪應斥革

**八十一** 山西布政使前河南按察使延祉以仇視各國人民之語通飭所屬罪應革職永不敘用

**八十二** 河內縣令苛待由豫省前往湖北逃難之英國教士罪應革職永不敘用

**八十三** 榮澤縣令不肯接收由武陟縣護送逃難之英國教士致該教士等備嘗艱險罪應革職永不敘用

**八十四** 鄭州牧由平遙潞城逃難之英國教士過境時異常苛待罪應革職永不敘用

**八十五** 西華縣林令於境內各教士屢次不肯保護致被驅逐什物搶掠罪應革職永不敘用

**八十六** 陳州府周家口通判固執不肯保護教士致連六月十四

日之亂該教士被逐後幾乎喪命罪應革職永不敘用

八十五 河北道岑春榮擅出誣謗告示煽惑官民仇視西教罪應革職永不敘用

八十六 滑縣呂令

八十七 涉縣車令

八十八 安陽縣石令搶掠教中什物焚毀教堂房屋均罪應革職永不敘用

八十九 衛輝府曾守殺害教民罪應革職永不敘用

九十 武安縣陳世偉於亂民掘挖已故教士屍身不肯飭收致將其屍分裂丟棄道旁罪應革職永不敘用

江西

九十一 江西巡撫松壽遵奉

朝旨引火燎原所派委員以招兵爲詞聚黨焚掠教堂罪應革職永不敘用

**九十二** 南豐縣鄧家猷於教民遞呈不肯接收乃聳惑民人戕害罪應革職永不敘用

**九十三** 南城縣翁寶仁飭拆教堂罪應革職永不敘用

### 山東

**九十四** 湖南按察使前山東按察使胡景桂於仇視各國人民之端干涉其閒且引同官爲黨並力庇拳匪冀免殺教之咎罪應革職永不敘用

**九十五** 恩縣秦應遠袒庇拳匪明示仇視各國人民忍令境內教民慘受殺害罪應革職永不敘用

**九十六** 夏津縣屠乃勳縱庇拳匪於英國教士何家屯房產不行

保護並任令教民被虐罪應革職永不敘用

御覽

謹將各使送到擬請查辦各員清單照錄恭呈

被控獲罪應另行查辦各員清單

蒙古

一至十一 阿多杜沙辣其殺克多而加圪羅其梭諾辣其加而古

其沙路掌蓋納否大梭磨磨各噶杜沙辣其加圪羅其阿切而多  
辣爾當巴領加浪惡而殲喪加沙加圪羅其以上十一人均威嚇  
教士因未能在教堂戕害欲在他處分別謀死

四川

十二 雙流縣龔寶琅

十三 郫縣黃樹勳

十四 灌縣王瑚

十五 崇慶州陳兆棠

十六 溫江縣周慶王

十七 崇甯縣陳鼎勳

十八 南部縣袁用斌

十九 大足縣趙綬之以上八名均係忍聽教民五百餘家什物房

間被匪搶毀兼有受傷被害之教民教堂處所亦被焚毀

二十 宜賓縣王殿甲有呈訴該員將仇視西教之禍鼓動加厲者

二十一 敘州府文奎縱容宜賓縣妄為

貴州

二十二 署思南府張濟輝素以仇視西教為懷

二十三 龍泉縣繼文異常仇視西教非特任令羅方林統帶匪黨

入境騷擾且教民求其作主彈壓伊竟明謂該教民身居化外因

奉西教自取其禍定不保護

河南

**二十四** 南陽府傅鳳鵬漢口英領事謂其仇視西人

**二十五** 南陽縣張令有殺害教民搶毀什物房間之咎

江西

**二十六** 浮梁縣任玉琛雖經疊次諄請伊竟不肯保護景德鎮西

江留店三處教堂處所致被一律焚毀

**二十七** 吉安府許道培允聽紳士攻擊教堂教民

**二十八** 贛州府武官何明亮經地方官請其派兵保護教堂伊不

肯行

**二十九** 吉南贛甯道涂劉制軍坤一所發保護泰西人民告示該

道不肯在贛南兩府張貼又該兩府滋鬧毫無設法彈壓

三十一 南昌縣進士黃熙祖

三十二 文舉謝甘棠

三十三 廩生鄒緒

三十四 監生梅素清皆遣僕拆毀該處教堂

三十五 南昌縣武舉單炳耀

三十六 武生李太和

三十七 武生單寅

三十八 武生蕭廷傑

三十九 武生單步龍均帶領拳匪前往九七兩都渭水橋等處指

拆該處教堂及教民房間

四十 瀘溪縣廩生林湘五

四十一 林茂修



四十一 盧假汝

四十二 盧明生均係登恩該處民人搶毀騷擾

四十三 臨江府石守

四十四 上高縣文令

四十五 紳士梁飛鵬

四十六 張文蘭均係登恩拳匪搶毀騷擾

山西

署太原府許涵度毓賢謀殺該處泰西教士該員助紂爲虐是以未能一名漏網

擬收總理衙門爲外務部摺

光緒二十七年四月

奏爲按照和議總綱擬改總理各國事務衙門爲外務部恭摺仰祈

聖鑒事竊查上年十一月奉

旨批准和議總綱第十二款內開總理各國事務衙門革故更新其如何變通之處由諸國酌定中國照允施行等語屢經各使公推承商此事之美使柔克義日本使小村壽太郎前來商酌茲據領銜使臣日使葛絡幹照會以各使公商擬請將總理各國事務衙門改爲外務部冠於六部之首管部大臣以近支王公充之另設尙書二人侍郎二人尙書中必須有一人兼軍機大臣侍郎中必須有一人通西文西語均作爲額缺予以厚祿覈其所擬堂官共有四人足敷辦事之用各使每言西國外部祇一正一副至多

兩副今於管部下擬設尙書侍郎各二已較各國爲多若再加增必至發言盈廷遇事推諉商辦要務轉致需時所論尙爲切要其所以請用王公管部者雖各使欲借以自重而交涉事務出好與我所關甚鉅以親信重臣當之與

國家休戚相關自不至輕心誤事況總理衙門本有親王兼管係屬舊例似可照行外務部冠六部之首係倣西洋各國成式至請將外務部諸臣予以厚祿俾得專心辦公亦尙近理如蒙

俞允將外務部堂官定爲額缺其章京等亦應分設數司倣照六部司員之例卽於總理衙門章京內選派開去原衙門差缺改爲外務部司員將來應何如考充升轉並籤分學習之處應請旨敕下督辦政務處大臣會同吏部妥議具奏司員如何分任職事各使原不過問惟必須豫爲部署庶幾一經改章堂司俱備規

模整肅免致再被刺譏日使原文多有費解之處是以未經全敘摺內除將原照會鈔錄咨送軍機處備查外所有議改總理各國事務衙門爲外務部緣由理合恭摺由驛具

奏伏乞

皇太后

皇上聖鑒訓示謹

奏

敬陳 迴鑾

蹕路情形摺

光緒二十七年四月十一日

奏爲敬陳

迴鑾

蹕路情形恭摺仰祈

聖鑒事竊自

慈輿

聖駕西幸長安天下臣民莫不延頸企踵以望

迴鑾之一日臣等躬膺鉅任內不能早塞羣望外不能撫輯諸邦

慚悚焦勞難安寢饋茲款議粗有端緒益深瞻就之誠惟奉

慈馭以經臨必相度山川避險阻而趨安便今自陝西以達

京師若由山西舊路爲程二千五百四十里惟晉省頗見災荒恐

傷

聖天子勤卹生民之隱山路亦甚崎嶇若由西安東出潼關入河南以達

京師爲程亦二千數百里沿途平坦較西路爲便然自入直隸磁州以迄定州計程六百二十五里應分十二站中隔大小河二十餘道均無渡船必須趕搭橋座而正定城外卽漳沱河冬令水涸一杭可渡趕搭橋筏尙易爲功夏秋水漲泛濫幾及十里之寬流沙無底不能建造橋梁船隻又少人力難施未敢請

帑竟渡至尖宿處所自磁至定經過城池村鎮疊遭拳匪洋兵潰勇土匪蹂躪之後民間房屋多被焚拆絕少完善之區必須逐站興建完工需時其定州以北荒災情形相同但有鐵路可通千乘萬騎如蒙

派分起數先後行走兩日卽抵都城此陸路運達之大概也若由

河南衛輝改道潞潯水路直達天津爲程一千六百餘里順流而下舟行甚安應令直東豫三省先期調集船隻在道口豫備應用過天津後或乘原舟送抵通州或改火車巡抵都下火車半日而達固極迅利卽舟行亦數日可達伏念

皇太后

皇上由西安啟鑾直至定州陸程五十餘站

高年遠邁賜輜長征諸多未便似水驛較爲便逸但經由天津各國官商不免在途瞻謁我

皇太后慈育仁煦已四十稔我

皇上誠孚德感備五大洲旣各修好而釋兵自更致敬而盡禮至水程所過隨扈兵勇皆循例由兩岸夾護而進隨地支帳巡查亦昭敬慎此半由水道前進之大概也以上兩路情形不能不事

先請

旨酌定以便敬謹籌辦理合繕摺預爲陳奏伏乞

皇太后

皇上聖鑒訓示遵行謹

奏



聯軍將退預籌布置摺

光緒二十七年四月十一日

奏爲京畿重地大員襄辦善後擬請明降

諭旨並由臣等刊給關防以昭鄭重恭摺仰祈

聖鑒事竊臣等前以各國軍隊將次撤退奏調袁世凱所部姜桂

題及馬玉崑兩軍前來京畿填紮並請以候補侍郎胡燏棻聯絡

布置以期安輯地方先後電請

行在軍機處代奏在案惟查京城內外本多無業游民自被兵災

尤難覓食且多拳團餘黨伏匿其中此輩攘奪橫行已成慣技現

當洋兵在境已盡散宵聚搶劫頻聞而各國劃地分段設巡捕兵

設警察部晝夜梭巡較諸平時步軍統領順天府五城各衙門兵

役支更尤加周密然猶此拏彼竄盜賊繁多若使洋兵撤回防勇

乍到情形不熟氣誼不聯恐致渙散難收無所措手而規復舊制

則兵役星散勉強湊集地面分轄者多終不能指臂相聯令行禁止是以臣等往復籌議惟侍郎胡燏棻曾充定武軍統領袁世凱之軍卽由該軍擴充改練統將及營哨官弁半爲舊部約束易從該侍郎曾官府尹尤熟地面情形以之聯絡軍民自能指揮得力惟事係會同步軍統領五城御史順天府尹辦理誠恐事權不一諸多窒礙相應懇  
特降諭旨並准臣等刊給關防以昭鄭重而專責成至各國聯軍入都後因地方事煩語言不通曾酌派員紳分設安民公所以達民情擬由該侍郎體察情勢可留者留可撤者撤請更名巡防局督紳辦理其外國所設巡街兵丁或曰巡捕或曰警察按時分段周歷稽查既可禁暴防奸並能解紛息事現擬酌量仿行而日本辦法尤爲周密並商令暫留介兵數人用資教練其修街灑道路

燈等事各國皆辦有眉目擬就其已成者廣續爲之事半功倍先  
由臣等督率該侍郎參酌試辦果有成效再行安定章程請  
旨辦理所有臣等預籌布置各緣由理合恭摺由驛具  
奏伏乞

皇太后

皇上聖鑒訓示謹

奏

刪定停試地方商允舉行會試

光緒二十七年四月十六日

奏爲停止考試五年地方經各使開送地名繕單請

旨恭摺仰祈

聖鑒事竊查和議總綱第二款內載諸國人民被戕害陵虐之城鎮五年內概不得舉行文武考試等語本年二月十一日據領銜日國使臣葛絡幹照會援引前項條款以經諸國全權開列應停考試各城鎮清冊請爲轉奏等因當查上年總綱各款交來後臣等曾經辦具說帖以各府應州縣所管城鎮甚多應查明何城何鎮地方如有戕害陵虐諸國人民之事自應照辦此項自指本地歲科試而言至鄉會試係各直省會考之事內如有戕害陵虐諸國人民之城鎮應仍照前項查明分別辦理其他別城鎮並無干涉者仍應照常考試以示勸懲分致各使在案接到葛使照會復

又重申前說並詳敘比如一縣所屬內有一鎮有虐害諸國人民之事祇應停此一鎮之考而不能將屬縣考生概予停試至於一府所屬總有數縣此縣與彼縣相去頗遠尤未便以一城內應行停考遂併一府而均停之若因一城一鎮勢民滋事之故致令其餘各城鎮安分良民均受停考數年之累何以昭公道而服人心商令詳細開明城鎮地名不得統稱某府某縣備文照覆二月二十日又據葛使來文謂於第二款末段所論諸國人民被戕害陵虐之各城鎮停考一事發端原意統行誤會原意乃藉中國向來自用之詞以禁士人附和之習且指斥臣等照會恃其欺罔之術謬論之詞以保應失之利遂一細查應行停考之城鎮恐致波及全省勢不能不較此尤爲更甚等語三月十六日復又照會葛使以停考五年係停止滋事地方之人五年內不准應考非曾經滋

事之地五年內不准開考卽如北京一處上年旣肇變亂其籍隸  
本城之士子罰停五年考試理固當然惟北京係中國都城不但  
各省舉人皆須來京會試卽順天鄉試亦合南北中三區有各省  
貢監生在內並不止順天府生員若將會試與順天鄉試一概議  
停則併各省之人皆無從應試是以數城鎮人滋事之故而竟絕  
各省士子登進之階應仍按停考地方罰停該處之人應試其非  
居該城鎮者仍准照常赴考不得統指一府一縣以示區別等因  
三月二十五日葛使送來照覆堅執和議大綱第二條真意乃滋  
事之地五年內不准開考引第二條原文五年內概不得舉行文  
武各等考試一語以相駁詰詞氣甚爲固執查府城停考其所屬  
外縣生童尙可調赴鄰府考試若鄉試借闕甚非易至會試更  
無在外省開科之例臣等竊思鄉會爲掄才大典京師乃首善要

區停試五年慮無以振文風而慰士望祇可曲爲遷就或期得以  
轉圜爰擬將各使等單開停考府縣一律允其照辦僅與商酌會  
試及順天山西鄉試照常開考並以直隸滄州河間並未戕害陵  
虐教士不應列入停考單內此外尙有似此者亦應查明剔除分  
辦節略照會先後送去各使日久未覆探得此事惟英使薩道義  
持之最力復派員前往面商據該使稱和議第二款載明戕害陵  
虐諸國人民之城鎮五年內不准舉行文武各等考試北京與山  
西太原戕害陵虐諸國人民較各處爲甚若此兩處仍照常開考  
他處更可不必議停告以此兩處雖仍開考但本地土著及外來  
滋事地方之人應扣除不准應試實與停考無異該使謂既經明  
定條款滋事城鎮不得舉行考試何得復以舉行之說相商斷難  
允從直隸藩司周馥以事由教案而起該司正與各國教士商辦

清泉縣十九處現均刪除又河間府一處各使照覆稱俟訪查之後再覆尙未確定單內暫爲刪除不列合併聲明



請飭各省保護鐵路電綫摺

光緒二十七年五月十六日

奏爲聯軍將退請

嚴飭各省保護盧漢鐵路電綫以肅政令而弭衅端恭摺仰祈  
聖鑒事光緒二十七年四月初六日准比國使臣姚士登照稱去  
歲拳匪肇衅曾經兩次照請保護盧漢鐵路在案查聯軍不久退  
出直隸省現今務籌萬全之策保護鐵路工藝諸人並鐵路物料  
等事而聯軍須目覩中國竭力設法保護外國人以及鐵路諸物  
永無危險聯軍方能退去卽希奏明

朝廷允准鐵路總辦相機調兵保護鐵路兵須任其指使多寡亦  
聽隨時調用尙有電綫若是修齊亦飭各該地方官務當竭力保  
衛不令再生亂萌請作速轉

奏請

旨責成各該地方官擔任其事將去年亂由以至重修廬漢鐵路各節發明以令天下周知竭力保護之至意務將所論各節卽日辦妥不獨鐵路不致損壞卽中國利源亦由斯茂盛等因臣等查鐵路以便轉輸電綫以通消息益

國便民功效難以枚舉近十餘年來

國家於鐵路電綫兩端特派大臣經營締造動撥部帑籌借洋款始得具此規模乃民間風氣未開習於錮蔽未諳

朝廷利國之遠謨視同外人經商之恆產去年拳匪之亂肆意拆毀幾至前功盡棄現在事局粗定逐漸修復又須另籌鉅款比國使臣姚士登因廬漢鐵路係借比款興修照會臣等奏明請旨責成保護係爲保全路工預防變端起見似可准行且據照稱聯軍須目覩中國竭力設法保護外國人及鐵路諸物方能退去

尤應實力籌辦以期大局早定謹鈔錄該使原會恭呈

御覽擬請

旨宣明鐵路電綫爲中國興利之源鐵路各項物料均係動用國帑購造工藝諸人亦係國家招雇責成經過各該州縣及各防營切實保護如有疏虞從嚴參辦並令出示剴切曉諭軍民人等務各仰體

朝廷興作本意家喻戶曉悉泯猜嫌儻敢抗拒定行盡法懲辦庶幾觀聽一新永弭禍患至該使臣所稱准由鐵路總辦向地方官調兵護路任其指使多寡亦聽總辦隨時調用各節查各項鐵路合同本有准設巡兵護路之條電綫本亦派兵看守惟三五零星遇事未能得力應如何設法整頓酌量歸併之處併請飭下督辦鐵路大臣妥議奏明辦理總期兵歸實用權不外移以

仰副

聖主慎重要工備預不虞之至意所有請

飭各省保護鐵路電綫緣由理合恭摺具陳伏乞

皇太后

皇上聖鑒訓示謹

奏

商定使臣

覲見禮節

光緒二十七年六月十一日

奏爲按照和議總綱第十二款商定各國使臣

覲見禮節恭摺仰祈

聖鑒事竊據領銜日國使臣葛絡幹三月初一日照會內開諸國

使臣會同

覲見

皇帝必在

太和殿其一國使臣單行入

覲者必在

乾清宮使臣呈遞敕書或國書必派

御輿暨應有之侍衛前往使館並參隨各員同迓至覲見之宮禮

成後一體送歸使臣齎奉國書必由各中門行走

皇帝必親手接收國書諸國使臣至

宮殿階前降輿儼設宴款待必在

乾清宮

皇帝必躬親入座各禮節必與自主平等大國成規相符等語臣等查

覲見一事因中西體制不同各國使臣動援西例相衡以爲相形見絀三十年來爲此事彼此辯駁迄未能定今乘聯軍大勝之後請將禮節更改固係有挾而求然各國既有成規則所言亦非盡無理祇可就其能行者酌予通融擇其不能行者力加駁阻爰指出礙難照辦者四端一使臣會同

覲見必在

太和殿一使臣呈遞國書須派

御輿迎迓一使臣

覲見在

宮殿階前降輿升輿一設宴必在

乾清宮

皇帝躬親入座一面備文照覆一面與各使公推承辦

覲見禮節之美國使臣柔克義曰本國使臣小村壽太郎竭力磋商三月二十三日又接葛絡幹照會但允將會同

覲見改在

乾清宮而轎用黃色在

宮殿階前降輿仍不肯改至設宴一節據稱各使並無必請

賜宴之意臣等復以轎色中國祇有

皇帝用黃諸王公大臣皆用綠各國使臣入

觀時由內務府備派綠呢大轎迎送已足以昭隆重若乘坐黃轎未免駭人聽聞礙難轉奏又降輿升輿一節中國向來體制王公大臣均在

東華門外降輿惟

賞紫禁城內乘坐肩輿者方能乘椅轎至

景運門各使既請均在

乾清宮

覲見入

宮之路必由

景運門應倣中國王公大臣

特賞紫禁城乘坐肩輿之例於進

東華門後換坐椅轎至



景運門停下較爲相宜備文照覆旋聞英國使臣薩道義噴有煩言謂照覆詞氣不甚和平意將痛加駁斥臣等佯爲不知彼亦竟置不答繼思

迴鑾在邇

覲見禮節必須早日商定戶部右侍郎那桐奉出使日本之

命小村壽太郎頗與聯絡因屬其於酬應之便婉曲熟商許以絲轎加用黃繡小村允與各使商酌臣等復又辦給照會大意以日後或有國王及太子等來京必須豫留區別地步敘明轎加黃繡下轎可在

景運門外五月十七日據日使葛絡幹照覆轎加黃繡各使遵允惟降輿請改在

乾清門外等語臣等復又備文商酌改爲至

景運門外換坐轎至

乾清門外階前降輿略示通融以期就範茲據曰使覆稱各使視以爲然等語自應就此定議竊思歐美各邦咸以遣使聯交爲重輅車來往絡繹於途將命呈書儀文必洽興戎出好消息可以微參上年啟衅之端莫甚於攻圍使館是以此次各使必欲將覲見禮節乘機更改使積年所不能請者一旦邀准雖覲諸西國敬使之儀未必盡爲過當而接諸

天澤堂廉之辨豈能每事曲從臣等設法磋磨歷時至數月之久始將乘坐黃轎及在

太和殿

覲見暨

宮殿階前降輿三節約議改易其在

全案現經議結緣由謹照錄頒銜寫使照會並將商辦原單與英  
法使閱送各單分繕清單恭摺山驛具

奏伏乞

皇太后

皇上聖鑒訓示謹

奏

謹將臣等最後一次開送商辦各單照錄恭呈

御覽

曾經照會商辦原在懲辦單內各員

山西大同鎮楊鴻禮轄境出有教案僅止失於保護擬請減為革職留任

河南衛輝府曾培祺保護英法教士平安出境並無殺害教民之事請免議

武安縣陳世偉

涉縣車均以上二員俱經賠償教堂什物議結教案經主教司德望稟明公使請免置議應請照辦

河內縣于光明派差護送教士出境有案可憑

榮澤縣連魁已經病故

西華縣林廷廣派差護送教士有案

周家口通判汪坦教士過境派差護送並於鬧事時彈壓解散有案以上四員均請免議

四川建昌道王季寅

雅州府李念茲

前署雅州府王之同以上三員平日諄飭所屬保教頗爲認真去年竄有力不從心之處前接覆文已允量減均擬改革職留任

署邛州李常需

署名山縣廬鼎智以上二員查無庇匪仇教情形惟於教案辦理

不善均擬革職

再原單擬請定斬監候罪名改發極邊之武邑縣張丙詰該員早經調署清苑當武邑鬧事時並未在任已照來單所擬清苑縣令

處分請

旨革職永不敘用此次指請重降

諭旨十一員內自應扣除

現在擬商懲辦單內各員已奉

諭旨斬決之前任山西陽曲縣知縣白昶前准山西行文知會該  
令已逃匿無蹤請飭一體訪拏昨准軍機處來電據山西撫臺查  
覆上年省城拳匪聚集時該令曾稟請毓賢禁止迨焚教堂時復  
請毓賢派兵彈壓當被呵斥撤任因後任不肯接篆暫未交卸實  
非毓賢心腹爪牙等語核其情節擬斬甚冤可否商改假死罪以  
免冤抑等因人命至重歐洲各國尤不肯輕易殺人希再詳細訪  
查減輕另擬俟拏獲之日免其斬決亦足見仁慈盛德也  
山西臨縣孔繁昌該縣並無戕害教士教民及焚毀教堂之案請

免議

現在更有應商四員

大名縣知縣苗玉珂已奉

旨革職永不敘用茲法國總兵官已稟致函保定府高藩臺稱該員於大名功德甚大教士教民賴其保護土匪畏其勦辦必令官復舊任始愜人心等語足見前單謂其驅逐教士乃係傳聞失實之詞擬爲請

旨開復免其離任

長子縣恩順已奉

旨革職永不敘用

壽陽縣秦錫圭原單開寫秦鑑湖已奉

旨革職發往極邊以上二員准山西來電據各該縣教民赴省聯

名遞呈保明並無戕害虐待教士情事並力陳該令等懲匪保教實跡經委員查復相同均應請

旨開復分別免革免遣

太原府城守營石鳳岐已奉

旨革職發往極邊永不釋回

山西洋務局據教民稟並無阻抑陵虐教士重情查復相符應請改爲革職

另有查明應行改正三員

河津縣黃廷光已奉

旨革職發往極邊

山西洋務局據教民稟上年七月耶穌教士男女七名在河津清湖灣被害其時署理知縣係趙之燮及黃廷光到任已在十一月



內去教士被害有數月之久戕害教士實與該令無干

托克托城通判樊恩慶已奉

旨由斬監候改發極邊

歸綏道詳據洋教士報托克托城通判於上年六月捉拏殺害泰西人民係前署任李恕至樊恩慶到任已在十一月內殺害西國人民與該通判無涉

甯遠司獄李鳴和已奉

旨由斬監候改發極邊

山西洋務局查得上年甯遠將教士交付兵丁係署通判沈榮綬並非李鳴和以上三員准山西撫臺來電並無應辦之罪未便令其爲人受過致滋冤抑應請

旨更正以趙之燮李恕沈榮綬抵黃廷光樊恩慶李鳴和三人之

罪以上統其七員均原在懲辦單內

灤平縣文令案略

直隸灤平縣知縣文星前經奉

旨飭令查明如有戕害教士實據卽著斬立決等因欽此當卽行文熱河都統查辦茲准咨覆查荷國教士司化隆曾充該縣屬老虎溝教堂教士上年因避難至紅旗南清被鄉人扭送情願進關赴津經文令點交趙士奇護送至中途遇害接准來咨當經督同熱河道親訊據該令供稱上年六月二十八日蒙本府札交教士司化隆令派役送出境外遵於二十九日派役護送出境其中途如何被害實不知情研詰再三堅不承認竊思此案是否該令主使戕害非鞫獲原解之趙士奇確切研究難期水落石出復密札承德府迅將趙士奇鞫獲審取確供茲據該府詳稱緝獲趙士奇

到案訊據供稱伊係紅旗南溝人伊叔趙寬充當鄉約光緒二十六年六月十三日該處廟會演戲伊隨同伊叔看戲是日傍晚洋人司化隆至彼索取飲食眾人聲稱洋人至此不懷好意即將其獲住意欲毆死伊叔上前攔稱毆死洋人不便不如送縣憑官發落眾人亦卽散回伊叔隨領司化隆至家住宿次早伊叔因病新愈不能遠行囑伊督同人夫押送司化隆赴縣行至中途聞文令公出伊等改送司化隆至郡卽行回歸旋聞派兵護送回縣是月二十九日早文令因伊代鄉約當差諭令隨同護送進關伊卽赴縣協同解役陳明亮卽姓護送司化隆出街忽遇伊同姓不同宗原肇趙彥查詢伊等將司化隆送何處伊等卽以奉官護送出境之旨回答趙彥聲稱若聽官護送進關恐留紅旗後患不如將其致死伊等不允趙彥氣忿走回移時伊等至離街二十餘里河套

地方趙彥帶領董老八並不識姓名五人分持鐵鋏鎗刀追至聲稱趕將司化隆留下活埋致死伊等畏懼仍不允從趙彥斥說如再護庇洋人定行一併殺害伊等畏其人眾勢兇亦卽勉允趙彥與董老八等輪用鐵鋏挖成土坑強將司化隆推入坑中活埋身死伊與陳明亮卽姓俱在傍並未下手旋卽分路逃散後聞司化隆身被河水沖出漂失趙彥現逃何處伊不知道等語由該府錄供具詳前來本都統親提該犯覆訊供無異詞核之文令所供其非該令主使戕害尙屬可信查該令文星當民教仇殺之時奉飭護送教士出境並不慎選妥役沿途保護致令教士司化隆中途被趙彥等慘斃釀成巨禍案雖訊無主使實據究屬罪無可辭前署灤平縣知縣文星除業經奏參革職外應請從重發往軍臺效力贖罪趙士奇一犯雖據供稱司化隆係被趙彥等活埋致死該

犯僅止被逼勉從並未下手加功惟究屬一面之辭顯係恃無質  
證有心狡避除嚴飭該府懸賞購緝拏逸犯趙彥等究辦外可  
否先將該犯趙士奇先行正法以昭法紀而服外人抑或暫將該  
犯監候俟緝獲趙彥等提同質訊再行懲辦之處案關交涉相應  
據實聲覆請煩查照核辦見覆等因查文星旣派趙士奇護送司  
教士進關自無欲加戕害之意據趙士奇供伊等將司教士中途  
活埋實係在逃之趙彥起意所供果實是文星並無主使戕害之  
事趙士奇亦係被逼勉從似應如熱河都統來咨將文星改爲革  
職發往軍臺效力贖罪以示懲儆至趙士奇應否正法擬勒限三  
箇月將趙彥緝獲到案質訊明確再行定斷可否如此辦理請商  
酌示知

曾經照會商辦原在查辦單內各員

南陽府傅鳳颺保護教堂頗能認真有法教士安西滿英教士孔好義等謝函可憑實無仇視西人之事請免議

山西署太原府許涵度毓賢謀殺教士之時該員尙在潞南府木任未到太原無從助虐請免議

江西前署南贛道涂椿年

贛南鎮總兵何明亮以上二員曾出示保護教堂並無教士教民指控不肯張貼督示及不肯派兵彈壓之事均請免議或改輕吉安府許道培是否允聽紳士攻擊教堂並無實據早經撤任應免再議

浮梁縣任玉森於景德鎮教堂被燬尙非有意不行保護已經撤任請免再議

署上高縣文斌奎該縣並無焚搶教堂之事惟民教訟案延擱甚

多已委員查辦

清江縣石守謙據教士函稱有教民訟案多起已委員查辦原單作臨江府石守臨江府並非石守係誤以上二員並非遇有教案不肯認真保護彈壓均擬查明撤任

紳士十五名南昌縣進士黃熙祖舉人謝甘棠廩生鄢縉監生梅素清武舉單炳燿武生李太和單寶肅廷傑單步鼐瀘溪縣廩生林湘巨林茂修廬假汝廬明生上高縣紳士梁飛鵬張文蘭均擬斥革

署灌縣王瑚勤儉愛民頗得民心保教亦力因土匪勢盛教民因有擾害並無虐待教士之事

署宜賓縣王殿甲亦是好官因詞訟責押教民之不法者後由省派員訊結此不過一時一事並非鬧教之案可比

署雙流縣龔寶琅爲教士租屋及教民爭家財事不合主教意並無大錯以上三員擬予撤調

署溫江縣周慶壬

署邛縣黃樹勳以上二員心實保教才力不及擬停委二年

敘州府文煥原誤文奎該守較建昌道府情形尤輕建昌道府既可量減該守擬予撤調

署崇慶州陳兆棠

署崇甯縣陳鼎勳

署南部縣袁用斌

署大足縣趙綬之以上四員於所屬教案均竭力保護認真拏犯教民雖有損傷教士並無受害均擬令開缺離省

現在擬商查辦單內各員



貴州思南府知府張濟輝

龍泉縣知縣繼文該二員情節尙輕均擬革職留任處分

河南南陽縣並非張令係袁福齡已因教案參革請無庸再議

謹將英法各使開送酌覆商議懲處查辦各員清單照繕恭  
呈

御覽

懲處各員單

陽曲縣白昶原擬罪應斬立決既已奉

旨雖經遠颺仍須鞫獲正法

汾州府徐繼勳原擬應革職斬監候如貸其一死極輕當發往

極邊永不釋回仍應按照原請定斬監候罪名

忻州徐桂芬原擬應革職斬監候如貸其一死極輕當發往極

邊永不釋回仍應按照原請定斬監候罪名

河津縣黃廷光原擬罪應革職發往極邊永不釋回已經奉  
旨惟滋事時該員並未在任可免其革職發遣彼時在任之趙之

變情有可原亦允免議

因太原府武官馬得勝原擬罪應革職永不敘用仍應按照原請辦理

出太原府城守營石鳳岐原擬罪應革職發往極邊永不釋回可改為革職永不敘用

出大甯縣曾季鳳原擬罪應革職發往極邊永不釋回已降旨允辦茲據本國教士函稱有可原之情可免其革職發遣

十三長子縣恩順原擬罪應革職永不敘用已奉旨允辦因來文謂其無罪又經飭查可改為革職

十六岳陽縣令原擬罪應革職永不敘用應請仍照原擬旨允辦仍應遵行

十七壽陽縣秦錫圭原擬罪應革職發往極邊永不釋回已奉旨允辦仍應遵行

**和**林格爾通判毛世黼

**托**克托城通判樊恩慶原擬均應革職斬監候如貸其一死  
**極**輕當發往極邊永不釋回毛世黼仍應按照原請辦理樊恩慶  
**應**改以李恕抵其罪

**司**獄李鳴和原擬罪應革職斬監候如貸其一死極  
**輕**當發往極邊永不釋回應改以沈榮綬抵其罪

**署**歸化城同知郭之樞原擬罪應斬監候如貸其一死極  
**輕**當發往極邊永不釋回仍應按照原請定斬監候罪名

**榆**次縣知縣原擬罪應革職永不敘用仍應按照原請辦

理

**大**同鎮楊鴻禮原擬罪應革職永不敘用仍應按照原請

擬辦

太原縣知縣

甯鄉縣知縣該二員原擬罪應革職永不敘用仍應按照

原請辦理

臨縣孔繁昌原擬罪應革職永不敘用可將原請罪名改

為革職

中喀爾王

塔拉特王原擬中喀爾王罪應申斥塔拉特王罪應革職

永遠監禁該二王雖經奉

旨分別懲處迄今未能奉行仍應查明辦理

甘肅甯條梁武官張金聲

把總楊緒林

哨官郝殿魁

三十四 徐大田

劉備軍原擬該五員均應斥革仍應按照原請懲辦

三十五 灤平縣文星原擬罪應斬立決可將原請罪名改爲革職

發往極邊永不釋回

三十六 王孝村紳士左洛荅原擬罪應監禁仍應按照原請懲辦

四十一 武邑縣知縣原擬革職斬監候如貸其一死極輕當發往

極邊永不釋回尙應查明變亂之時是何員在任俟查明後仍應

按照原請辦理

四十五 大名縣知縣苗玉珂原擬革職永不敘用雖經奉

旨革職永不敘用可將其罪名改爲革職留任以符已總兵美意

而示近今振作之勵

四十八 清苑縣張丙詰原擬革職永不敘用仍應按照原請擬辦

四十九 望都縣李兆珍原擬革職永不敘用應改以嚴倍烈抵其

罪

五十 盛京副都統晉昌原擬革職斬監候如貸其一死極輕當發往極邊永不釋回仍應按照原請懲辦

五十一 遼陽州知州陳衍庶

五十二 鴨子廠團常志德該二員原擬罪應革職發往極邊永不釋回仍應按照原請懲辦

五十三 黑龍江副都統鳳祥

五十四 巴彥蘇蘇統領鄂英該二員原擬鳳祥革職發往極邊永不釋回鄂英革職斬監候如貸其一死極輕當發往極邊永不釋回仍請按照原擬定罪不可輕減

五十五 衡州道隆文原擬革職斬監候如貸其一死極輕當發往

極邊永不釋回仍應按照原請懲辦

金衢嚴道鮑祖齡原擬革職斬監候如貸其一死極輕當

發往極邊永不釋回仍應按照原請定斬監候罪名

衢州府紳士鄭連生

紳士鄭煥禧

紳士羅道藩該三員原擬斥革仍應按照原請立行懲辦

邛州李常需原擬罪應革職永不敘用仍應按照原請懲辦

建昌道王季寅原擬革職永不敘用可改爲革職留任

名山縣盧鼎智原擬革職永不敘用可改爲革職

前雅州府王之同

雅州府李念茲該二員原擬革職永不敘用可改爲革職

留任



八十二 思南府人羅芳林原擬罪應監禁仍應按照原請懲辦  
八十三 山西布政使前河南按察使延祉原擬革職永不敘用可  
免議

八十四 河內縣于光明原擬革職永不敘用應行寬免

八十五 榮澤縣連魁原擬革職永不敘用因已死可免議

八十六 西華縣林廷厯原擬革職永不敘用仍應按照原請擬辦

八十七 陳州府周家口通判汪垣

八十八 涉縣車均原擬革職永不敘用可改為撤任

八十九 衛輝府曾培祺原擬革職永不敘用可改為撤調惟應分

發他省差遣

九十 武安縣陳世偉原擬革職永不敘用可改為革職

九十四 前山東按察使胡景桂原擬革職永不敘用該員係由美

國參告尙應與美國使臣會商

九十六 夏津縣屠乃勦原擬革職永不敘用仍應按照原請懲辦  
謹查塔拉特王封號錯誤無從查辦前經照會行案理合註  
明

查辦各員單

一 至十 蒙古官員阿多杜沙辣其殺克多而加圪羅其校諾辣  
其加而古其沙路掌盤納否大梭磨磨各嗜杜沙辣其加圪羅其  
阿切而多辣爾當巴領加浪惡而殯喪加沙加圪羅其迄今尙未  
查著自將該十一員如何懲辦之處暫置另議一俟查獲再行商  
辦

雙流縣龔寶瓊允照所擬撤調

鄆縣黃樹勦允照所擬停委二年

十四 灌縣王瑚擬請撤任

十六 溫江縣周慶王允照所擬停委二年

十五 崇慶州陳兆棠

十七 崇甯縣陳鼎勳

十八 南部縣袁用斌

十九 大足縣趙綬之該四員均允照所擬令開缺離省

二十 宜賓縣王殿甲擬請撤任

二十一 敘州府文煥允照所擬撤調

二十二 思南府張濟輝

二十三 龍泉縣繼文該二員擬請令開缺離省

二十四 南陽府傅鳳颺應如何辦理之處尙須中國該管查明再

爲定擬罪名

二十五 南陽縣袁福齡既已革職有案惟有將其罪名載明此次諭旨

二十六 浮梁縣任玉森既已撤任有案惟有將其罪名載明此次諭旨

二十七 吉安府許道培既已撤任有案惟有將其罪名載明此次諭旨

二十八 贛南鎮總兵何明亮擬請撤任

二十九 贛南道涂椿年擬請革職

三十 南昌縣進士黃祖熙

三十一 文舉謝甘棠

三十二 廩生鄢綰

三十三 監生梅素清

三十四 武舉單炳燿

三十五 武生李太和

三十六 武生單寅

三十七 武生蕭廷傑

三十八 武生單步鼐

三十九 瀘溪縣廩生林湘巨

四十 廩生林茂修

四十一 廩生盧假汝

四十二 廩生盧明生以上十三名均允照所擬斥革

四十三 清江縣石守謙

四十四 上高縣文聚奎該二員均允照所擬撤任

四十五 紳士梁飛鵬

四十六紳士張文蘭該二人均照所擬斥革  
外有山西太原府許涵度應改爲曾樹椿再查

謹錄五月十七日領街口國使臣照會恭呈

御覽

爲照覆事西歷本年六月初五日卽中歷四月十九日接准來文以四月十七日奉

上諭晉昌鄂英發往極邊充當苦差隆文等發往極邊永不釋回該員等獲咎甚重本應按律擬斬監候既經朝廷加恩貸其一死改發極邊已屬從輕辦理著刑部查催迅速定地發配毋任延宕等因欽此查該員等所獲之罪均係經諸國全權大臣指出復奉此次

諭旨允承各本大臣實不能認中國

國家可予以格外寬典且其處分皆係各本大臣所請若朝廷擬定加恩輕減豈非於該犯等有所聳息乎是以各本大臣

決不能以爲然應請按照原單

盛京副都統晉昌巴彥蘇蘇統領鄂英湖南衡永郴桂道隆文浙  
江金衢嚴道鮑祖齡山西汾州府知府徐繼孺忻州知州徐桂芬  
署歸化城同知郭之樞和林格爾通判毛世黼等罪名重降  
諭旨一道至甯遠州司獄李鳴和托克托城通判樊恩慶二員情  
罪尙當續查暫允緩辦須至照會者



追復張蔭桓原官摺

光緒二十七年六月二十三日

奏爲接據英美兩國使臣照會籲懇將已革尙書銜戶部左侍郎張蔭桓開復原官恭摺仰祈

聖鑒事竊臣等於本年五月十六日接據美國使臣柔克義照會以張蔭桓出使該國時盡力盡心使兩國邦交加厚華盛頓人民聞其被戮均爲悼惜美國國家亦以中國如此宣力之臣深爲悲憫囑轉請據情入奏開復又於五月十七日據英國使臣薩道義照會以前值英君主在位六十年中國

朝廷特派張蔭桓往賀經英廷給與寶星當發遣新疆時人皆以爲非罪應請奏明開復各等語伏查張蔭桓前曾出使英美兩國與彼人士頗能聯絡是以英美政府令其使臣代爲呼籲查張蔭桓發遣時所奉

上諭並無不可赦宥之罪謹將英美使照會錄呈

御覽可否格外

施恩將張蔭桓開復原官以敦英美兩國邦交之處理合恭摺具奏伏乞

皇太后

皇上聖鑒訓示謹

奏

謹錄美英兩國使臣照會恭呈

御覽

美國使臣柔克義照會

爲照會事上年六七月間中國誅戮各大員時曾將從前發遣新疆大員張蔭桓亦經誅戮追憶一千八百八十五至八十九年開張大臣奉使本國時盡心盡力使兩國邦交日益加厚無論公私各事無不使人心均佩服計由本國回華迄其受刑時雖已十一載本國華盛頓人民聞其被戮猶無不均爲悼惜本國國家亦以心契之友今已云亡中國如此宣力之臣竟爾棄市深爲悲憫此等宣力大員不得善終本國大伯理璽天德深以爲貴國大皇帝猝然刑一多年出力之大員另有確據不過係因彼時地方變亂搖動之所致嗣後必將按公允予昭雪是以囑本大臣轉

請貴王大臣據情入

奏請將張蔭桓一切罪名開除賞還原銜追予謚典誠能允如所請本國國家與人民更必以貴國素敦睦誼向於交涉一切悉秉至公係爲格外有據也爲此照會貴王大臣查照須至照會者

英國使臣薩道義照會

爲照會事照得前總理各國事務衙門大臣張蔭桓曾經發往新疆交官管束上年六月間在新疆地方被害張大臣前因我大君主臨御六十年慶典由中國

朝廷特派往賀經英廷頒給殊榮寶星是以深爲本國朝廷所賞識又爲本國前歐寶兩大臣所佩服況當發遣新疆時人皆以爲非其罪也均望日後開復錄用且該員在配已經兩載稍蔽厥辜乃當肇亂之時竟遭殺害凡屬英國舊識無不慘悼於心本大臣

查此情形諒中國

大皇帝必不能不以義理優待老臣應請貴王大臣奏明請旨將前已革戶部左侍郎張蔭桓開復原官以示昭雪而見大公若

皇上恩施泉臺則我英廷士民莫不心悅誠服矣須至照會者

會試難在京城舉行片

光緒二十七年六月二十三日

再停考一事前據領銜日國使臣葛絡幹照覆北京會試尙須詳細查核並稱河間府一處俟訪查後再覆究竟可否免停均未定準又據河南撫臣松壽電稱南陽府光州陳州府鄭州河內縣五處均無戕害陵虐洋人情事請與各使商免停考當經備文照會商辦去後旋據英國使臣薩道義而稱會試仍必須停並稱四月二十五日

上諭提明直隸省之北京順天府等地方均應停止文武考試五年是已包會試在內無再允舉行之理查臣等前次

奏呈停考地名清單摺內本已聲敘英使持之最力乃磋商至再仍爲該使所阻茲據領銜葛使照稱河間府考試照舊開辦河南南陽府光州兩處實有陵虐西人之情仍請停考陳州府鄭州河

內縣三處尙可通融免其停考北京會試一事四月二十五日  
上諭諸國全權大臣視爲妥善自應遵照辦理等語揆度情形會  
試難在京城舉行將來祇可由禮部另籌變通之法理合附片陳  
明伏乞  
聖鑒謹  
奏

張貼官犯罪名片

光緒二十七年六月二十三日

再查和議總綱第十款載明中國

國家務須在各府廳州縣將下開兩端之

諭旨張貼兩年俾眾周知至開列各犯所定罪名亦在此列所謂  
各犯罪名者係指開單請辦各員而言前准督撫來電上年六月  
托克托城通判捉拏殺害西人係前署任李恕非樊恩慶甯遠將  
教士交付兵丁係署通判沈榮綬非李鳴和均應請

旨更正等語計已經奉

旨發遣極邊之

盛京副都統晉昌黑龍江副都統鳳祥巴彥蘇蘇統領鄂英浙江  
金衢嚴道鮑祖齡山西汾州府徐繼儒忻州知州徐桂芬署歸化  
城同知郭之樞和林格爾通判毛世黼托克托城通判樊恩慶甯



還司獄李鳴和其十員內楚恩慶應改李恕李鳴和應改沈榮綬  
又武邑縣知縣各使前開張丙詰係屬錯誤亦應查明滋事時在  
任之員更正前經行司飭查尙未據覆以上十一員英使堅請重  
降

諭旨已於正摺內聲敘商明俟在總

諭旨內酌改數字此次明發

上諭請將十員按名臚列指明均定爲斬監候罪名貸其一死改  
發極邊充軍永不釋回其未經查明之前署武邑縣知縣亦請  
諭飭俟查明時仍先定斬監候罪名改發極邊充軍永不釋回字  
樣以免再有藉口謹附片陳明伏乞

聖鑒訓示謹

奏

延祉胡景桂免議片

光緒二十七年六月二十三日

再前於本年二月二十九日准軍機處來電擬辦外省各員摺單現經奏到面奉

諭旨其中有仍須辨論者如第十條係嚴定以後保護不力罪名不便將未定約之前各省教案地方官僅止保護不周未經傷命及並非庇拳者一概永不敘用山西藩司延祉所註以仇視西人之語通飭並無確據山東臬司胡景桂所註各語尤屬空言山東保教勦拳最爲出力臬司近在同城萬不能獨仇西人庇拳匪等因當經照會商辦各使堅不允行嗣復疊次磋商始允將延祉胡景桂二員免議查辦單內亦大半減輕然各使三月初七日覆文則稱革職各員刪去永不敘用字樣礙難從命此次雖允輕減祇送草單並無照會蓋恐於第十條所定有礙謹附片覆陳伏乞

奏  
聖鑒謹

請飭張貼犯事停試

諭旨片

光緒二十七年六月二十三

再查和議總綱第十款載中國

國家務須在各府廳州縣將下開兩端之

諭旨張貼兩年俾眾周知至開列各犯所定罪名及殺害陵虐各  
國人之城鎮停止各項考試亦在此列等語查停試又減河南三  
處前已附片具

奏今禍從案亦經議結應請分降

諭旨由各省督撫頒行府廳州縣張貼以符款議謹附片具陳伏

乞

聖鑒謹

奏

和議會同畫押摺

光緒二十七年八月初十日

奏爲照錄畫押條款全文繕單恭摺仰祈

聖鑒事竊臣等前將總結條款摘要電奏奉

旨公約業已定議卽行畫押欽此茲已於七月二十五日會同畫押查臣等上年奉

命議和始而各使竟將開議照會駁回幾莫測其用意之所在嗣於十一月初一日始據送到和議總綱十二款不容改易一字臣等雖經辦送說帖於各款應商之處詳細開說而各使置若罔聞且時以派兵西行多方恫喝臣等相機因應筆禿脣焦卒以時局艱難鮮能補救撫衷循省負疚良深所有一切辦理情形均隨時電陳摺奏及至商定總結條款各使猶必須候懲處各省教案牽涉人員奉

旨始肯畫押今雖將京城內外撤兵日期填註約內而各國在天  
津所設暫理地方之都統衙門仍復不肯遽撤各使有俟奉天牛  
莊交還時一體交還之說容少遲再行設法另案磋商以期早日  
收回免多窒礙臣等伏查近數十年內每有一次構衅必多一次  
喫虧上年事變之來尤爲倉猝創深痛鉅薄海驚心今和議已成  
大局少定仍望我

朝廷堅持定見外修和好內圖富强或可漸有轉機譬諸多病之  
人善自醫調猶恐或傷元氣若再好勇鬪狠必有性命之憂矣悽  
悽之愚伏乞

聖明垂鑒除將畫押約本咨送外務部收存俟

回鑒後再行進呈

御覽外所有照錄條款全文緣由理合恭摺馳陳伏乞

皇太后

皇上聖鑒謹

奏

謹將會同畫押公約十二條照繕清單恭呈

御覽

大德欽差駐紮中華便宜行事大臣穆默

大奧欽差駐紮中華便宜行事全權大臣齊幹

大比欽差駐紮中華便宜行事全權大臣姚士登

大日欽差駐紮中華全權大臣葛絡幹

大美國欽差特辦議和事宜全權大臣柔克義

大法欽差全權大臣駐紮中國京都總理本國事務便宜行事鮑

渥

大英欽差便宜行事全權大臣薩道義

大義欽差駐紮中華大臣世襲侯爵薩爾瓦移

大日本國欽差全權大臣小村壽太郎



大和欽差駐紮中華便宜行事全權大臣克羅伯

大俄欽命全權大臣內廷大夫格爾思

大清欽命全權大臣便宜行事總理外務部事務和碩慶親王

大清欽差全權大臣便宜行事太子太傅文華殿大學士北洋大

臣直隸總督部堂一等肅毅伯李鴻章

今日會同聲明核定

大清國按西歷一千九百年十二月二十二日即中歷光緒二十

六年十一月初一日文內各款當經

大清國

大皇帝於西歷一千九百年十二月二十七日即中歷光緒二十

六年十一月初六日降

旨全行照允足適諸國之意妥辦

附作

第一款

大德國欽差男爵克大臣被戕害一事前於西歷本年六月初九日即中歷四月二十三日奉

諭旨

附件二

欽派醇親王載灃爲頭等專使大臣赴

大德國

大皇帝前代表

大清國

大皇帝暨國家惋惜之意醇親王已遵

旨於西歷本年七月十二日即中歷五月二十七日自北京起程

第一款二

大清國國家業已聲明在遇害處所樹立銘誌之碑與克大臣品

位相配列敘

大清國

大皇帝惋惜兇事之

旨書以辣丁德漢各文前於西歷本年七月二十二日卽中歷六月初七日經

大清國欽差全權大臣文致

大德國欽差全權大臣

附件三

現於遇害處所建立牌坊一座足

滿街衢已於西歷本年六月二十五日卽中歷五月初十日興工

第二款

懲辦傷害諸國

國家及人民之首禍諸臣將西歷本年二月十三二十一等日卽中歷上年十二月二十五本年正月初三等日先後降

旨所定罪名開列於後

附件四五六

端郡王載漪輔國公載瀾均

定斬監候罪名又約定如

皇上以爲應加恩貸其一死卽發往新疆永遠監禁永不減免莊親王載勳都察院左都御史英年刑部尙書趙舒翹均定爲賜令自盡山西巡撫毓賢禮部尙書啟秀刑部左侍郎徐承煜均定爲卽行正法協辦大學士吏部尙書剛毅大學士徐桐前四川總督李秉衡均已身故追奪原官卽行革職又兵部尙書徐用儀戶部尙書立山吏部左侍郎許景澄內閣學士兼禮部侍郎銜聯元太常寺卿袁昶因上年力駁殊悖諸國義法極惡之罪被害於西歷本年二月十三日卽中歷上年十二月二十五日奉

上諭開復原官以示昭雪

附件七

莊親王載勳已於西歷本年二月二十一日卽中歷正月初三日

英年趙舒翹已於二十四日卽初六日均自盡毓賢已於二十二日卽初四日啟秀徐承煜已於二十六日卽初八日均正法又西

歷本年二月十三日卽中歷上年十二月二十五日

上諭將甘肅提督董福祥革職俟應得罪名定讞懲辦西歷本年四月二十九六月初三八月十九等日卽中歷三月十一四月十七七月初六等日先後降

旨將上年夏間兇慘案內所有承認獲咎之各外省官員分別懲辦

## 第二款二

西歷本年八月十九日卽中歷二十七年七月初六日

上諭將諸國人民遇害被虐之城鎮停止文武各等考試五年

附件

第三款

因

大日本國使館書記生杉山彬被害

大清國

大皇帝從優榮之典已於西歷本年六月十八日即中歷五月初

三日降

旨簡派戶部侍郎那桐爲專使大臣赴

大日本國

大皇帝前代表

大清國

大皇帝及國家惋惜之意

附件九

第四款

大清國國家允定在於諸國被污瀆及挖掘各墳塋建立滌垢雪侮之碑已與諸國全權大臣會同商定其碑由各該國使館督建並由中國

國家付給估算各費銀兩京師一帶每處一萬兩外省每處五千兩此項銀兩業已付清茲將建碑之墳塋開列清單附後

附件十

### 第五款

大清國國家允定不准將軍火暨專爲製造軍火各種器料運入中國境內已於西歷本年八月二十五日卽中歷二十七年七月十二日降

旨禁止進口二年嗣後如諸國以爲有仍應續禁之處亦可降

旨將二年之限續展

附件十一

### 第六款

按照西歷本年五月二十九日即中歷四月十二日  
上諭

大清國

大皇帝允定付諸國償款海關銀四百五十兆兩此款係西歷一  
千九百年十二月二十二日即中歷光緒二十六年十一月初一  
日條款內第二款所載之各國各會各人及中國人民之賠償總  
數附件十二

此四百五十兆係照海關銀兩市價易為金款此市價按諸國  
各金錢之價易金如左

海關銀一兩

即德國三馬克零五五

即奧國三克勒尼五九

五 即美國圓零七四二

即法國三佛郎克七五

即英國三

先零 即日本一圓四零七

即荷蘭國一弗樂林七九六 即



俄國一魯布四一二俄國魯布按金平算卽十七多理亞四二四  
此四百五十兆按年息四釐正本由中國分三十九年按後附之  
表各章清還附件十三本息用金付給或按應還日期之市價易  
金付給還本於一千九百零二年正月初一日起一千九百四十  
年終止還本各款應按每屆一年付還初次定於一千九百零三  
年正月初一日付還利息由一千九百零一年七月初一日起算  
惟中國

國家亦可將所欠首六箇月至一千九百零一年十二月三十一  
日之息展在自一千九百零二年正月初一日起於三年內付還  
但所展息款之利亦應按年四釐付清又利息每屆六箇月付給  
初次定於一千九百零二年七月初一日付給  
乙此欠款一切事宜均在上海辦理如後諸國各派銀行董事一

名會同將所有由該管之中國官員付給之本利總數收存分給  
有干涉者該銀行出付回執

丙  
由中國

國家將全數保票一紙交付駐京諸國

欽差領銜大臣手內此保票以後分作零票每票上各由中國特  
派之官員畫押此節以及發票一切事宜應由以上所述之銀行  
董事各遵本國飭令而行

丁  
付還保票財源各進款應每月給銀行董事收存

戊  
所定承擔保票之財源開列於後

一新開各進款俟前已作爲擔保之借款各本利付給之後餘剩  
者又進口貨稅增至切實值百抽五將所增之數加之所有向例  
進口免稅各貨除外國運來之米及各雜色糧麪並金銀以及金

銀各錢外均應列入切實值百抽五貨內

二所有常關各進款在各通商口岸之常關均歸新關管理

三所有鹽政各進項除歸還前泰西借款一宗外餘剩一併歸入至進口貨稅增至切實值百抽五諸國現允可行惟須二端一將現在照估價抽收進口各稅凡能改者皆當急速改爲按件抽稅幾何定辦改稅一層如後

爲估算貨價之基應以一千八百九十七八九三年卸貨時各貨牽算價值乃開除進口稅及雜費總數之市價其未改以前各該稅仍照估價徵收二北河黃浦兩水路均應改善中國

國家卽應撥款相助

增稅一層俟此條款畫押日兩箇月後卽行開辦除在此畫押日期後至遲十日已在途開之貨外概不得免抽

第七款

大清國國家允定各使館境界以爲專與住用之處並獨由使館管理中國民人概不准在界內居住亦可自行防守使館界綫於附件之圖上標明如後

附件十四 東面之綫係崇文門大街圖上十一十二等字北面圖上係五六七八九十等字之綫西面圖上係一二三四五等字之綫南面圖上係十二一等字之綫此綫循城牆南址隨城堞而畫按照西歷一千九百零一年正月十六日卽中歷上年十一月二十六日文內後附之條款中國國家應允諸國分應自主常留兵隊分保使館

第八款

大清國國家應允將大沽礮臺及有礙京師至海通道之各礮臺一律削平現已設法照辦

第九款

按照西歷一千九百零一年正月十六日即中歷上年十一月二十六日文內後附之條款中國

國家應允由諸國分應主辦會同酌定數處留兵駐守以保京師至海通道無斷絕之虞今諸國駐守之處係黃村郎坊楊村天津軍糧城塘沽蘆臺唐山灤州昌黎秦王壩山海關

第十款

大清國國家允定兩年之久在各府廳州縣將以後所述之

上諭頒行布告

一西歷本年二月初一日即中歷上年十二月十三日

上諭以永禁或設或入與諸國仇敵之會違者皆斬

附件十五

二西歷本年二月十三二十一四月二十九八月十九等日即中

歷上年十二月二十五本年正月初三三月十一七月初六等日  
上諭一道犯罪之人如何懲辦之處均一一載明

三西歷本年八月十九日即中歷七月初六日

上諭以諸國人民遇害被虐各城鎮停止文武各等考試

四西歷本年二月初一日即中歷上年十二月十三日

上諭以各省督撫文武大吏暨有司各官於所屬境內均有保平安之責如復滋傷害諸國人民之事或再有違約之行必須立時彈壓懲辦否則該管之員即行革職永不敘用亦不得開脫別給獎敘

附件十六

以上

諭旨現於中國全境漸次張貼

### 第十一款

大清國國家允定將通商行船各條約內諸國視為應行商改之

處及有關通商各他事宜均行議商以期妥善簡易現按照第六款賠償事宜約定中國

國家應允襄辦改善北河黃浦兩水路其襄辦各節如左

一北河改鑿河道在一千八百九十八年會同中國

國家所興各工近由諸國派員重修一俟治理天津事務交還之後即可由中國

國家派員與諸國所派之員會辦中國

國家應付海關銀每年六萬兩以養其工

二現設立黃浦河道局經營整理改善水道各工所派該局各員均代中國暨諸國保守在滬所有通商之利益預估後二十年該局各工及經營各費應每年支用海關銀四十六萬兩此數平分半由中國

國家付給半出外國各干涉者出資該局員差並權責及進款之  
詳細各節皆於後附文件內列明

附件十七

### 第十二款

西歷本年七月二十四日即中歷六月初九日降

旨將總理各國事務衙門按照諸國酌定改爲外務部班列六部  
之前此

上諭內已簡派外務部各王大臣矣

附件十八

且變通諸國

欽差大臣覲見禮節均已商定由中國全權大臣屢次照會在案

此照會在後附之節略內述明

附件十九

茲特爲議明以上所述各語及後附諸國全權大臣所發之文順  
均係以法文爲憑

大清國國家既如此按以上所述西歷一千九百年十二月二十



二日即中歷光緒二十六年十一月初一日文內各款足適諸國之意妥辦則中國願將一千九百年夏間變亂所生之局勢完結諸國亦照允隨行是以諸國全權大臣現奉各本國

政府之命代為聲明除第七款所述之防守使館兵隊外諸國兵隊即於西歷一千九百零一年九月十七日即中歷光緒二十七年八月初五日全由京城撤退並除第九款所述各處外亦於西歷一千九百零一年九月二十二日即中歷光緒二十七年八月初十日由直隸省撤退今將以上條款繕定同文十二分均由中國全權大臣畫押諸國全權大臣各存一分中國全權大臣收存一分

一千九百零一年九月初七日  
光緒二十七年七月二十五日  
在北京定立

附保隨辦和議諸員片

光緒二十七年八月初十日

再此次議約爲

國家安危所繫實與尋常議約不同加以國數旣多各使意見不一或甫定而旋改或此允而彼爭隨辦和議諸員筆舌磋商情形況瘁嘗上年震撼危疑之際其巧滑畏蕙者率多裹足不前各該員冒險從公頗足嘉尙今春德法諸軍時作西行之狀局外人常多畏懼而在事諸員輒能設法商阻堅定不移彼以盛氣相陵我以微詞折辯卒使聯軍漸退教案速結和議告成非各該員贊助之力不及此計自上年臣等到京閱時一年之久在事諸員不無微勞足錄茲和款業經畫押合無仰懇天恩可否准其擇尤酌保以示鼓勵出自慈施逾格謹附片陳請伏乞

聖鑒訓示謹  
奏

高驂麟原品休致摺

光緒二十七年八月二十二日

奏爲查明飛理藩司被參各款據實覆陳恭摺仰祈

聖鑒事竊臣欽奉光緒二十七年五月初三日

寄諭有人奏署任藩司昏庸貪惰據實糾參一摺據稱署直隸藩

司清河道高驂麟重聽健忘於地方公事向不經心初次接印卽

索三家銀號規銀專任其姪及幕友在外串合納賄賣缺城內外

土匪劫擄毫不過問辦理交涉縱容教民任意訛索各等語所奏

如果屬實自應從嚴參辦著李鴻章按照原參各節確切查明據

實具奏毋稍徇庇原摺著鈔給閱看等因欽此當飭按察使周浩

按照原參各節確查稟覆核辦該司轉委保定府知府陳本還款

查明如原參高驂麟重聽健忘於地方公事向不經心平時接見

屬員但問以貴省貴姓甚有面問數次依然如故一節查高驂麟

並不重聽惟兩目短視平日接見屬員查詢籍貫姓名容有再見而重問者此因目力不及其在清河道任事數年並無貽誤上年兼理藩司正值聯軍踞省衙署被佔案卷蕩然高驂麟考言前事頗費心力於地方公事尙非漫不經心又原參高驂麟初次接印卽索三家銀號規銀六百兩一節查藩司到任省城三義廣幾天成三家銀號向有致送公費銀兩實任每家四百兩署任減半不知起自何年歷任藩司有退還不收者亦聞有收歸公用者高驂麟上年九月兼理藩司各該銀號照章呈送其時聯軍駐省設立洋務局支應一切所需銀錢均係設法湊辦並無專款高驂麟因用繁款絀卽將該銀號送到銀六百兩發交洋務局應用有該局收帳可憑又原參差委各缺專任其姪及其幕關武仲在外串合如候補縣福厚署新城賄銀二千兩朱佑保署安平賄銀五百兩

皆從天寶銀樓過付他如裕州武邑大名等缺亦有賄賣情事一  
節查直隸並無裕州前署安平縣係朱貞保亦非朱佑保高驂麟  
胞姪高爾嘉係刑部候補郎中前因京城不守來保避難暫居其  
叔署中並不預公事迨和局開議卽行回京俱差久未在署關  
武仲係清河道署幕友本係爲人代庖早已離省原參關武仲等  
串合招搖納賄賣缺查無實據至原奏所稱福厚等賄買各缺均  
有過付傳訊天寶銀樓執事人劉洛殿據稱伊鋪向賣首飾生理  
不預外事委無經手買缺過付銀兩取有甘結調查該鋪帳簿所  
載均係買賣交易並無過付贓私款目他如大名武邑等缺原奏  
亦稱賄賣未經指出實據既查無過付無從根究又原參城外土  
匪城內劫盜毫不過問辦理交涉迎合教士以致教民任意訛索  
德提督坐火車由保回京路過安州該縣官紳立火車旁以保定

教民出外訛索各情告之一節查省城內從無盜劫之案省外雖有土匪均由各該州縣稟經派隊剿捕高驂麟亦曾稟商籌辦並非毫不過問其辦理交涉聯絡教士爲保護商民起見上年聯軍在省教民倚勢訛索各處不免高驂麟疊商各國兵官教士查禁並非迎合飭據安肅縣胡賓周查得德提督瓦德西由保回京道經縣境時並無官紳至火車旁迎送告語等情稟司轉詳核辦前來臣查前兼理藩司正任清河道高驂麟被參各節以賊私一項爲重業已飭司委員嚴密查詢並無賄賂官缺過付確據其銀號致送規費已撥充洋務要需化私爲公並未入己嗣後此項陋規應飭永遠裁革其餘參款或事出有因或查無其事原奏似係傳聞之誤惟高驂麟才識本屬平庸精神未能振作前委兼署藩司因聯軍踞省實缺司道無人爲權宜遷就之計察其公事疲懈實

不勝策要之任應請

旨開去清河道缺以原品休致理合恭摺覆陳伏乞

皇太后

皇上聖鑒訓示謹

奏



聯軍退避擇要布置片

光緒二十七年八月二十二日

再直隸提督川玉崑統率武衛後軍二十營甘肅提督姜桂題督帶武衛右軍三千人先後來直都中聯軍於八月初五日退盡卽令姜桂題帶隊入京分紮順天各屬地面空虛間有土匪竊發令由馬玉崑分飭所部擇要布置該提督卽駐紮通州涿州一帶居中調度現在事局漸定應令接受提策將裁減制兵整頓營伍各事宜隨時悉心籌辦除咨行遵照外理合附片具陳伏乞

聖鑒謹

奏

李文忠公奏稿卷八十